

Ha'u sente orgullu ohin partisipa ho Señora Célia Alexandre Gusmão dos Santos, Diretora Institutu Nasionál Saúde hodi lansa projetu husi Governu Estados Unidos Amerika ho naran Rekursu Umanu ba Saúde. Di'ak tebes katak Estados Unidos ho Institutu Nasionál Saúde bele implementa programa ne'e iha tempu ne'ebé, presiza tebes tipu programa indispensável hanesan ne'e.

Formasaun ba profisionál saúde importante tebes ba seguransa Estados Unidos, Timor-Leste no mundu tomak. Ha'u hakarak aproveita oportunidade ida-ne'e hodi hatoo ha'u nia respeitu no apresiasaun ba traballu korajozu husi profisionál saúde sira iha Timor-Leste no mundu tomak. Estados Unidos América oferese finansiamentu ba programma ne'e ho valór \$637,000.

Estados Unidos mak doadór mundiál boot liu ba saúde públiku. Ami fó ona doasaun biliaun dolar barak iha tinan-tinan hodi kombate moras sira hanesan HIV/SIDA, Ebola, Malária, no agora, COVID-19. Iha Timor-Leste, governu Estados Unidos América investe ona besik \$70 miliaun iha assisténsia saúde ba Timor-Leste.

Ami nia assisténsia saúde ba Timor-Leste mai ho formas barak. USAID nia servisu ho Ministériu Saúde dezenvolve ona modelu sistema prestasaun saúde iha Covalima ne'ebé bele uza ba nasaun tomak.

USAID mós serbisu-hamutuk ho Institutu Nasionál Saúde hodi oferese formasaun ho qualidade ba profisionál saúde sira . Ami-nia Navál Estados Unidos Seabees hari'i ka renova ona infraestrutura apoiu barak iha tinan haat ikus ne'e. Ne'e deit hanesan investimentu ida liu \$1.5 miliaun iha infraestrutura saúde lokál. Fulan ida liubá Seabees kompleta ona edifísiu ida ba Institutu Nasionál Saúde ne'ebé sei uza ba formasaun enfermeiras no sai mós laboratóriu ida.

Estados Unidos América nia finansiamentu ba programa ba Institutu Nasionál Saúde sei apoia formasaun ne'ebé bele ajuda hasoru dezafiu mai husi COVID-19. Ne'e aumentu ida ba iha \$1.1 miliaun ne'ebé Estados Unidos foin dadauk kontribui hodi ajuda Governu Timor-Leste kombate hasoru

COVID-19. Enkuantu ami luta batalla difisil hasoru COVID-19 iha ami-nia nasaun, ami mós kontinua apoia ami-nia parseiru sira no espera serbisu-hamutuk ba futuru di'ak liután ba ita hotu-hotu.

Obrigada barak.